



Broj: 0101-7687
Sarajevo, 23. 7. 2021.

Na osnovu Ugovora broj 0101-7576/21 od 21. 07. 2021. godine o sufinansiranju istraživačkorazvojnih projekata iz oblasti tehničkih nauka, zaključenog između Razvojnog programa Ujedinjenih nacija i Univerziteta u Sarajevu, uz prethodnu saglasnost Upravnog odbora broj: 02-23-3/21 od 12. 07. 2021. godine, a u skladu sa Odlukom Senata Univerziteta u Sarajevu broj: 01-12-115/21 od 22. 07. 2021. godine, Univerzitet u Sarajevu raspisuje

INTERNI POZIV

za dostavljanje prijava za raspodjelu sredstava Razvojnog programa Ujedinjenih nacija
za sufinansiranje istraživačkorazvojnih projekata iz oblasti tehničkih nauka
Univerziteta u Sarajevu

U skladu sa Ugovorom o saradnji između Univerziteta u Sarajevu i Razvojnog programa Ujedinjenih nacija o sufinansiranju istraživačkorazvojnih projekata iz tehničkih nauka u 2021. godini, sredstva u ukupnom iznosu od 120.000,00 KM bit će dodijeljena za (su)finansiranje projekata u cilju jačanja istraživačkih, razvojnih i infrastrukturnih kapaciteta Univerziteta u Sarajevu, sa posebnim naglaskom na primjenu istraživačkorazvojnih rješenja u IT industriji i autoindustriji.

Realizacija grant sheme za istraživačkorazvojne projekte podržana je kroz projekat „Boljom upravom do bržeg ekonomskog rasta (EGG)“, koji implementira Razvojni program Ujedinjenih nacija u saradnji sa Vladom Kraljevine Norveške. Cilj projekta je pružanje doprinosa privrednom razvoju i stvaranju pretpostavki za kreiranje novih radnih mjesta.

Kriteriji za dodjelu sredstava i očekivani rezultati projekta su:

- Istraživačko utemeljenje u naučnim činjenicama, te potencijal za objavljivanje (u smislu intencije istraživača da rezultate projekta objave u naučnim časopisima);
- Potencijal za primjenu u praksi i na tržištu, te vidljiva korist za predmetne industrije (autoindustrija i IT industrija), koji ultimativno može rezultirati boljom konkurentnošću industrija i novim zapošljavanjima;

Realizacija projekta može uključivati sljedeće kategorije troškova:

- Naučnoistraživačka oprema neophodna za uspješnu realizaciju projekta
- Potrošni materijal neophodan za uspješnu realizaciju projekta
- Usluge neophodne za uspješnu realizaciju projekta

- Putovanja u svrhu realizacije projekta
- Publikovanje, učešće u konferencijama, predstavljanje projekta na različitim skupovima
- Rad istraživačkog tima na projektu (u omjeru ne većem od 10% od ukupnog iznosa projekta)

Dodatno će biti vrednovani prijedlozi istraživačkorazvojnih projekata koji imaju naglašenu komponentu održivosti, u smislu potencijalne mogućnosti nastavka aktivnosti započetih projektom i nakon njegovog završetka, gdje bi predloženi projekat svakako trebao predstavljati koherentnu i zasebnu cjelinu koja može pripadati većem skupu.

Obavezna dokumentacija za prijavu:

- formular za prijavu ovjeren potpisom dekana organizacione jedinice;
- obrazložen projekat, uključujući vremenski i finansijski plan (na formularu za prijavu);
- dokazi o visini troškova projekta (maksimalan iznos traženih sredstava po projektu je 30.000,00 KM).

Napomene:

- **Iznos sredstava koji se dodjeljuje za sufinansiranje po projektu je 30.000,00KM.**
 - **Pod dokazima o visini troškova podrazumijevaju se predračuni iz 2021. godine.**
 - **Neblagovremene i nepotpune prijave neće biti razmatrane.**
-

Rok za dostavljanje projektnih prijedloga je: 1. 9. 2021. godine

Rok za realizaciju projektom predviđenih aktivnosti je: 31. 01. 2022. godine

Prijave je potrebno dostaviti elektronskim putem na adresu: cir@uns.ba.